



Broj: 02-50-1-16-31/09

Sarajevo: 18. 6. 2009.

**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM**

PREDMET: Obavještenje

Dom naroda Parlamentarne skupštine BiH je na 31. sjednici, održanoj 18. 6. 2009., razmatrao sljedeće tačke dnevnog reda:

1. Izvještaj Zajedničke komisije za usaglašavanje teksta Prijedloga zakona o izmjenama i dopunama zakona o finansiranju institucija BiH;
2. Prijedlog zakona o akcizama BiH (drugo čitanje), predlagač: Vijeće ministara BiH;
3. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o uplatama na jedinstveni račun i raspodjeli prihoda, po hitnom postupku u skladu s članom 122. Poslovnika Doma naroda;
4. Zahtjev Vijeća ministara BiH za razmatranje Prijedloga zakona o izmjenama i dopunama Zakona o uplatama na jedinstveni račun i raspodjeli prihoda, po hitnom postupku u skladu s članom 122. Poslovnika Doma naroda;
5. Zahtjev Vijeća ministara BiH za razmatranje Prijedloga zakona o izmjenama i dopunama Zakona o sistemu indirektnog oporezivanja u Bosni i Hercegovini, po hitnom postupku u skladu s članom 122. Poslovnika Doma naroda;
6. Prijedlog zakona o parlamentarnom vojnom povjereniku Bosne i Hercegovine (drugo čitanje), predlagači: delegati Branko Zrno i Slobodan Šaraba;
7. Prijedlog zakona o izmjenama i dopunama Zakona o Državnoj agenciji za istragu i zaštitu (drugo čitanje), predlagač: Vijeće ministara BiH;
8. Prijedlog zakona o izmjenama i dopunama Zakona o Graničnoj policiji BiH (drugo čitanje) predlagač: Vijeće ministara BiH;
9. Prijedlog zakona o fiskalnim kasama (drugo čitanje), predlagač: Predstavnički dom;
10. Prijedlog zakona o zaštiti domaće proizvodnje u okviru Sporazuma CEFTA (drugo čitanje), predlagač: Predstavnički dom;
11. Prijedlog zakona o javnim nabavkama BiH, (prvo čitanje), predlagač: Vijeće ministara BiH;
12. Prijedlog zakona o izmjenama i dopunama Zakona o konkurenciji (prvo čitanje), predlagač: Vijeće ministara BiH;
13. Prijedlog zakona o izmjeni Zakona o ministarstvima i drugim organima uprave BiH (prvo čitanje), predlagač: Vijeće ministara BiH;
14. Prijedlog Revidirane strategije Bosne i Hercegovine za provođenje Aneksa VII. Dejtonskog mirovnog sporazuma (prijedlog Vijeća ministara BiH);
15. Strategija za prevenciju i borbu protiv nasilja u porodici u BiH za period od 2009. do 2011. godine;
16. Plan aktivnosti za ispunjavanje obaveza iz preporuka Evropske komisije u vezi s Mapom puta za liberalizaciju viznog režima za građane Bosne i Hercegovine;
17. Izvještaj o provođenju zakona u nadležnosti Centralne izborne komisije BiH;
18. Izvještaj o zaštiti ličnih podataka u BiH i o radu Agencije za zaštitu ličnih podataka u BiH;
19. Izvještaj o utrošku sredstava Predsjedništva BiH za 2008. godinu, u skladu sa Ustavom BiH član V tačka 3. (g);

20. Prijedlog rezolucije o unapređenju zaštite porodice u BiH, predlagač: delegat Hilmo Neimarlija;
21. Prijedlog odluke o izmjeni Odluke o osnivanju Vijeća nacionalnih manjina Bosne i Hercegovine - predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
22. Prijedlog odluke o dopuni Odluke o imenovanju članova Vijeća nacionalnih manjina Bosne i Hercegovine - predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
23. Davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Zentralbank Österreich Aktiengesellschaft – Razvoj sistema vodosnabdijevanja u općini Livno;
24. Davanje saglasnosti za ratifikaciju Međunarodnih zdravstvenih propisa (2005.);
25. Davanje saglasnosti za ratifikaciju Sporazuma između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala;
26. Davanje saglasnosti za ratifikaciju Sporazuma o ekonomskoj saradnji između Vijeća ministara BiH i Vlade Republike Srbije;
27. Davanje saglasnosti za ratifikaciju Aneksa II. Sporazuma između BiH i Kraljevine Norveške o finansiranju projekta u korist pravosuđa i/ili sudova i tužilaštva u BiH;
28. Davanje saglasnosti za ratifikaciju Dodatnog protokola krivičnopravne Konvencije protiv korupcije /ETS 191/, Strasbourg, 15. maja 2003.;
29. Davanje saglasnosti za ratifikaciju Evropske konvencije o obavještenjima o stranom pravu s Dodatnim protokolom;
30. Davanje saglasnosti za ratifikaciju Amandmana na Konvenciju o osnivanju Vijeća za carinsku saradnju;
31. Davanje saglasnosti za ratifikaciju Protokola između Ministarstva sigurnosti BiH i Ministarstva unutrašnjih poslova Republike Srbije o provođenju zajedničkih patrola uz zajedničku državnu granicu;
32. Davanje saglasnosti za ratifikaciju Protokola između Ministarstva sigurnosti BiH i MUP-a Republike Srbije o održavanju redovnih sastanaka predstavnika graničnih policija na državnom, regionalnom i lokalnom nivou;
33. Davanje saglasnosti za ratifikaciju Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima.

Ad. 1.

Dom naroda **usvojio je** Izvještaj Zajedničke komisije za usaglašavanje teksta Prijedloga zakona o izmjenama i dopunama zakona o finansiranju institucija BiH, pa je samim tim Zakon **usvojen**.

Ad. 2.

Dom naroda **usvojio je** Zakon o akcizama BiH u identičnom tekstu kao i Predstavnički dom.

Ad. 3.

Dom naroda **usvojio je** zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o uplatama na jedinstveni račun i raspodjeli prihoda po hitnom postupku, nakon čega je Zakon **usvojen**.

Ad. 4.

Dom naroda **usvojio je** zahtjev Vijeća ministara BiH za razmatranje Prijedloga zakona o izmjenama i dopunama Zakona o uplatama na jedinstveni račun i raspodjeli prihoda po hitnom postupku, nakon čega je zakon **usvojen**.

Ad. 5.

Dom naroda **usvojio je** zahtjev Vijeća ministara BiH za razmatranje Prijedloga zakona o izmjenama i dopunama Zakona o sistemu indirektnog oporezivanja u Bosni i Hercegovini po hitnom postupku, nakon čega je zakon **usvojen**.

Ad. 6.

Dom naroda **usvojio je** Prijedlog zakona o parlamentarnom vojnom povjereniku Bosne i Hercegovine čiji su predlagači delegati Branko Zrno i Slobodan Šaraba.

Ad. 7.

Dom naroda **usvojio je** Zakon o izmjenama i dopunama Zakona o Državnoj agenciji za istrage i zaštitu u identičnom tekstu kao i Predstavnički dom.

Ad. 8.

Dom naroda **usvojio je** Zakon o izmjenama i dopunama Zakona o Graničnoj policiji BiH sa sljedećim amandmanima:

AMANDMAN I.

U članu 9., kojim se mijenja član 14. ranijeg Zakona o Graničnoj policiji Bosne i Hercegovine, (imenovanje, razrješenje direktora i zamjenika direktora) u stavu 1. riječ „Ministarstva“ zamjenjuje se riječju „**ministra**“.

AMANDMAN II.

U članu 10. Prijedloga zakona o izmjenama i dopunama Zakona o Graničnoj policiji Bosne i Hercegovine, (dužnosti i odgovornosti direktora) kojim se mijenja raniji član 15. Zakona o Graničnoj policiji Bosne i Hercegovine, u stavu 2., iza tačke d) potrebno je dodati novu tačku e) koja glasi:

„sprovođenje aktivnosti nabavke materijalno-tehničkih sredstava, koja nisu od strane Vijeća ministara BiH propisana kao standardizovana oprema“:

a predložene tačke e), f), g) i h) postaju tačke f), g), h) i i).

AMANDMAN III.

U članu 13., kojim se mijenja član 18. ranijeg Zakona o Graničnoj policiji Bosne i Hercegovine, u stavu 1., iza riječi „operativnu“ dodaje se riječ „**policijsku**“.

AMANDMAN IV.

U članu 14., kojim je izmijenjen član 20., stav (3) izmijenjenog člana mijenja se i glasi:
 „(3) saradnja sa stranim organima za provođenje zakona u krivičnim stvarima obavlja se preko Direkcije za koordinaciju policijskih tijela BiH i drugih nadležnih organa i institucija BiH“.

Budući da je Predlog zakona **usvojen u različitom tekstu** od teksta koji je usvojio Predstavnički dom, Dom naroda imenovao je sljedeće delegate **za članove Zajedničke komisije za usaglašavanje teksta Zakona:**

Hazim Rančić
 Dragu Ljubičića
 Ivo Miro Jović

Ad. 9.

Dom naroda **nije usvojio** Zakon o fiskalnim kasama čiji je predlagač Predstavnički dom.

Ad. 10.

Dom naroda **usvojio je** Zakon o zaštiti domaće proizvodnje u okviru Sporazuma CEFTA čiji je predlagač Predstavnički dom.

Ad. 11.

Dom naroda **usvojio je** u prvom čitanju Prijedlog zakona o javnim nabavkama BiH.

Ad. 12.

Dom naroda **usvojio je** u prvom čitanju Prijedlog zakona o izmjenama i dopunama Zakona o konkurenciji sa sljedećim zaključkom:

„S obzirom da Zastupnički dom Parlamentarne skupštine BiH još nije završio proceduru usvajanja Prijedloga zakona o izmjenama i dopunama Zakona o konkurenciji, produžava se amandmanska faza za ovaj Prijedlog zakona do 48 sati prije održavanja sjednice Povjerenstva, na kojoj će biti razmatran“.

Ad. 13.

Dom naroda **usvojio je** u prvom čitanju Prijedlog zakona o izmjeni Zakona o ministarstvima i drugim organima uprave BiH.

Ad. 14.

Dom naroda **nije usvojio** revidiranu strategiju Bosne i Hercegovine za provođenje Aneksa VII. Dejtonskog mirovnog sporazuma.

Ad. 15.

Dom naroda **usvojio je** Strategiju za prevenciju i borbu protiv nasilja u porodici u BiH za period od 2009. do 2011. godine sa sljedećim zaključkom:

“Obavezuje se Ministarstvo za ljudska prava i izbjeglice BiH da, šest mjeseci nakon usvajanja Strategije, izvrši reviziju radi njenog usklađivanja s dokumentima iz ovoga područja koji su u proceduri donošenja na entitetskom nivou”.

Ad. 16.

Dom naroda primio je k znanju Plan aktivnosti za ispunjavanje obaveza iz preporuka Evropske komisije u vezi s Mapom puta za liberalizaciju viznog režima za građane Bosne i Hercegovine.

Ad. 17.

Dom naroda **usvojio je** Izvještaj o provođenju zakona u nadležnosti Centralne izborne komisije BiH sa sljedećim zaključkom:

„Dom naroda traži od svojih članova u interresornoj radnoj grupi koja radi na izradi novog teksta Zakona o sukobu interesa u institucijama vlasti BiH, da mjeru zabrane kandidovanja kao mjeru koja je suprotna Evropskoj konvenciji o ljudskim pravima brišu iz novog teksta“.

Ad. 18.

Dom naroda **usvojio je** Izvještaj o zaštiti ličnih podataka u BiH i o radu Agencije za zaštitu ličnih podataka u BiH.

Ad. 19.

Dom naroda **je primio k znanju** Izvještaj o Izvještaj o utrošku sredstava Predsjedništva BiH za 2008. godinu, s mišljenjem nadležnih komisija.

Ad. 20.

Dom naroda **usvojio je** Rezoluciju o unapređenju zaštite porodice u Bosni i Hercegovini čiji je predlagač delegat Hilmo Neimarlija.

Ad. 21.

Dom naroda **usvojio je** Odluku o izmjeni Odluke o osnivanju Vijeća nacionalnih manjina Bosne i Hercegovine.

Ad. 22.

Dom naroda **usvojio je** Odluku o dopuni Odluke o imenovanju članova Vijeća nacionalnih manjina Bosne i Hercegovine, te je u Vijeće nacionalnih manjina BiH imenovana Hidajeta Redžić (Crnogorka) na period od stupanja na snagu ove Odluke do 30.4.2010. godine, a Neđeljko Tomašević (Crnogorac) od 1.5.2010. godine do kraja ovog saziva.

Ad. 23. do 33.

Dom naroda dao je saglasnost za ratifikaciju sporazuma iz ovih tačaka dnevnog reda.

S poštovanjem,

PREDSJEDAVAJUĆI
DOMA NARODA
Ilija Filipović, dipl. iur.